

癸辛雜識

前後集
初集

一



60852

癸辛雜識

前後續
初集

一

周密撰

中華書局

2124

1

2778

60366

癸辛雜識

前後續
初集

二

周密撰

中華書局

叢書集成初編

癸辛雜識 前後續初集 二冊

中華書局 出版發行

(北京王府井大街三十六號)

秦皇島市資料印刷廠印刷
一九九一年北京第一版

開本：七八七乘一〇九二毫米 三十二分之一
統一書號：ISBN 7-101-00894-1/K·367

癸辛雜識 前後續初集

叢書集成初編所
選稗海津逮祕書
學津討原皆收有
此書三本相同學
津本字迹較爲清
晰故據以影印

欽定四庫全書提要

癸辛雜識前集一卷後集一卷續集二卷別集二卷宋周密撰密有武林舊事已著錄是編以作於杭州之癸辛街因以爲名與所作齊東野語大致相近然野語兼考證舊文此則辨訂者無多亦皆非要義野語多記朝廷大政此則瑣事雜言居十之九體例殊不相同故退而列之小說家從其類也明商潛稗海所刻以齊東野語之半誤作前集以別集誤作後集而後集續集則全闕又併其自

序佚之後烏程閔元衢於金闕小肆中購得鈔本
毛晉爲刻入津逮祕書始還其原帙書中楊凝式
僧淨端一條與野語重出蓋刪除未盡彌陀入冥
劉朔齋再娶二條竝附註衢案云云蓋閔氏所加
海鯨兆火一條附註不題名字核其語意殆亦閔
語也書中所記頗猥雜如姨夫眼厖諸條皆不足
以登記載而遺文佚事可資考據者實多究在輟
耕錄之上所記羅椅董敬菴韓秋巖諸人於宋末
遺學之弊言之最悉其引沈仲固語一條周平原

語一條尤言炯戒有關於世道人心正未可以
小說忽之矣都穆南濠詩話曰吳興唐廣嘗手錄
癸辛雜識見其中載方萬里穢行之事意頗不平
是夜夢方來曰吾舊與周生有隙故謗我至此幸
爲我暴之云云夫是非之公人心具在使密果誣
礪方固不應有元一代無一人爲同訟冤至明而
其鬼忽靈者其說荒唐殆不足辨且密爲忠臣同
實叛賊即使兩人面質人終信密不信同也況恍
惚夢語乎

癸辛雜識序

坡翁喜客談其不能者強之說鬼或辭無有則曰姑妄言之聞者絕倒洪景盧志夷堅貪多務得不免妄誕此皆好奇之過也余臥病荒閑來者率野人畸士放言善謔醉談笑語靡所不有可喜可噩以警以愚或獻一時之笑或起千古之悲其見給者固不少然求一二於千百當亦有之暇日萃之成編其或獨夜遐想舊朋不來展卷對之何異平生之友相與抵掌劇談哉因竊自歎曰是非真誕之辨豈惟是哉信史以來去取不謬好惡

不私者幾人而舛僞欺世者總總也雖然一時之聞見
本於無心千載之予奪徂於私意以是而言豈不猶賢
於彼哉癸辛蓋余所居里云弁陽老人周密戲書於道
通齋

癸辛雜識前集目錄

胎息

陳聖觀夢

改春州爲縣

吳興園圃

假山

艮岳

砲禍

牛女

葶毒

呼名怖鬼

閩鄴二廟

健啖

科舉論

薦楊誠齋

王小官人

化蝶

玉環

御書種書

乘槎

遊月宮

郭仙姑

寡欲

芍藥

三建湯

楊凝式僧淨端

迎曙

白帽

送刺

簡槩

人妖

四韓

韓彥古

松五粒

唐重浮屠

樊

乞食歌姬院

袁彥純客詩

長沙茶具

真西山入朝詩

趙子固梅譜

筆墨

辨章

來牟

父客

誤著祭服

向胡命子名

賈母飾終

孝宗行三年喪

施行韓震

癸辛雜識前集目錄

終

癸辛雜識前集

宋 弁陽 周密 輯

胎息

東坡云養生之方以胎息爲本此固不刊之語更無可議但以氣若不閉任其出入則渺綿滉漾無卓然近効待其兀然自住恐終無此期若閉而留之不過三五十息奔突而出雖有微暖養下丹田此一於迂決非延世之術近日沉思似有所得蓋因看孫真人養生門中調氣第五篇反復尋究恐是如此其略曰和神之道當得

密室閉戶安床暖席枕高二寸半正身偃臥瞑目閉氣於胸膈間以鴻毛著鼻上而不動經三百息耳無所聞目無所見心無所思則寒暑不能侵蜂蠆不能毒壽三百六十歲此鄰於真人也此一段要訣且靜心細意字字研究看既云閉氣於胸膈中令鼻端鴻毛不動初學之人安能持三百息之久哉恐是元不閉鼻中氣只以意堅守此氣於胸膈中令出入息似動不動氤氲繚繞如香爐蓋上烟湯瓶瘡上氣自由出入無呼吸之重煩則鴻毛可以不動若心不起念雖過三百息可也仍須